

آبونه شرايطى

ممالك عثمانيه ده سنه لکى (٦٥)، آلتى  
آيلنى (٣٥) غروشدر.  
ممالك اجنبيه ده سنه لکى (٨٠)، آلتى  
آيلنى (٤٥) غروشدر.

اداره خانه

باب على جاده سنده دائره مخصوصه

اخطارات

آبونه بدلى پشيندر.

مسلکه موافق آثار مع المونيه قبول  
اولنور . درج ايدلمه ين يازيلر اعاده  
اولونماز .

# البريد العلمى

١٤٣٣

اخطارات

رساله مزدن آلتدينى كوسترلك  
شرطيله تنون يازيلر هرهانكى بر  
غزته طرفندن اقتباس اولونه بيلير.  
مكتوبلرك ، امضالرى واضح و  
اوقوناقل اولسى وابونه سره  
نومروسنى محتوى بولمى لازمدر  
ممالك اجنبيه ايجون آبونه اولانلرك  
آدرسلىنك فرانسزجه ده يازلمى  
رجا اولنور.

پاره كوندردلىكى زمان نه به دائر  
اولدينك واضحا بيلدىرلمى رجا  
اولنور.

دينى ، فلسفى ، علمى ، ادبى هفته لاق مجموعه اسلاميه در

صاحب و مدير مشول

باش محرر

اشرف ادیب

محمد عاكف

والله يهدى من يشاء الى صراط مستقيم

اتبعون اهدكم سبيل الرشاد

عدد ٣٥٨

٧ ذى القعد ١٣٣٣

پنجشنبه

٣ ايلول ١٣٣١

جلد ١٤

## فقه

## مهرنوبات :

استاد محترم از مبرلی اسماعیل حق بك افنديك تقريرلى

[۵]

## اعيانه مضاف اولان احكام شرعيه حقهنده كى مذاهب

نصوص شرعيه ده احكام بعضاً عينه ، بعضاً فعله اضافه اولنور .  
نصوص شرعيه نك بر چوغنده حكم عينه اضافه اولونمشدر . نته كيم « حرمت  
عليكم الميتة والدم ولحم الخنزير » نظم جاينسده حكم شرعى اولان  
تحریم عين اولان ميتيه ، دمه ، لحم خنزيره اضافه اولنيور . كذا  
« احلت لكم بهيمة الانعام » آيت كريمه سنده حكم شرعى اولان حلال  
عين اولان بهيمه يه اضافه قلمشدر . كذا « احلت لنا الميتار » حديث  
شريفنده حكم شرعى اولان حلال عين اولان « ميته » لره اضافه  
اولونمشدر . كذا « حرمت الخمر لعينها » حديث شريفنده حكم شرعى اولان  
تحریم عين اولان خمره اضافه قيلنور . ابن رشدك « والا عيان التي يتعلق  
بها الحكم » ديمسى بوكا - يعنى حكم اكثر يتبه اعيانه مضاف اولسنه -  
مبنى اولسه كر كدر .

احكام شرعيه افعال مكلفينه ترتب ايدر . چونكه افعال كسبمزر  
ايله ، قدرتمز ايله حاصلدر . كسب و قدرتمز ايله حاصل اولان فعله  
مسئوليت توجه ايدر . بوكا مبنى افعاله اضافه اولنان احكام شرعيه ده  
بر كونا اختلاف اولونامشدر .

اعيان بويله دكلدر . اعيان قدرتمز ايله ، كسبمزر ايله حاصل  
دكلدر . اعيانه قدرت و كسب تعلق ايتمز . اعيانك وارلغندن طولايي  
بزه مسئوليت توجه ايتمز . بوكا مبنى اعيانه مضاف اولان احكام شرعيه ده  
اختلاف اولونمشدر :

۱ - فعله مضاف اولان احكام شرعيه فصل حقيقت طريقى ايله  
ادا اولونمش ايسه عينه مضاف اولان احكام شرعيه ده حقيقت طريقى ايله ادا  
اولونمشدر . يوقسه مجاز طريقى ايله ادا اولونامشدر . اول امرده محل يعنى  
عين تحریم و تحليل ايله توصيف اولنور ، صوكره . فعلك تحریم ويا  
تحليلى ثابت اولور . بناءً عليه تحریم ويا تحليل عام اوله رق ثابت  
اولور .

تحریم ويا تحليل عينه اضافه اولنور سه فعلك تحریم ويا تحليلى  
دها مؤكدا اولور . فخر الاسلام البردوى ايله شمس الأئمة السرخسى ،

[۵] متن : « والا عيان التي يتعلق بها الحكم . . . . ولا خلاف في

وجوب العمل » .  
بداية المجتهد

صاحب ميزانك و بونلره تابع اولانلرك مذهبي بودر .

۲ - عينه مضاف اولان احكام شرعيه دن يالكتر فعلك تحریم  
ويا تحليلى مقصود اولور . بو صورت حقيقت طريقى ايله اولماز . بلكه  
مجاز طريقى ايله اولور .

بوراده كى مجاز يا مجاز حذفى اولور : « واسئل القرية » نظم  
جلاينده اولديغى كى كه مقصد ، قريه دن دكل ، اهل قريه دن صور و لمسى در .  
ياخود محليت علاقه سى ايله مجاز مرسل اولور : « سال الميزاب - اولوق  
آقيور » تركينده اولديغى كى كه مقصد اولوق دكل ، اولوق دن كچن  
صويك آفسى در .

بوكا مبنى « ميته حرام قياندى » ديمكدن هرايكى نوع مجازه كوره  
ميتيه دكل ، ميتيه ي اكل حرام قانمشدر ، معناسى مقصود اولور .  
خفيه دن بعض عراقين ايله عامه معتزله نك مذهبلرى بودر .

۳ - اعيانه مضاف اولان احكام شرعيه مجملدر . چونكه اعيان  
تحليل ايله تحریم ايله متصف اولماز . تحليل و تحریم باب تكليفنددر ،  
قدرته تعلقه ايدر . بوندن طولايي تحليل و تحریم نواب و عقاب تعلق ايدر .  
اعيان قدرت و كسبمزر ايله حاصل اولديغندن تحریم و تحليله متعلق  
اولغه ضلاحتى يوقدر ؛ تحریم و تحليل انجق مقدرمزر ، مكسوبمزر  
اولان افعال اختياريه يه تعلق ايدر .

« حرمت عليكم الميتة » نظم جليلى ايله اكل ميته نك حرمتيه ،  
« احلت لكم بهيمة الانعام » نظم جليلى ايله اكل بهيمه نك تحليلنه  
احتجاج ايتك تحريج اولماز . مجملر حكم شرعى يي موجب اولماز .

نظم جليلر ايله هانكى فعلك حرام ويا حلال اولديغى بيله ميز .  
عجيا ميتيه يي اكل مى حرامدر ؟ ميتيه نظرمى حرامدر ؟ ميتيه يي مس  
ايتك مى حرامدر ؟ ميتيه يي بيع ايتك مى حرامدر ؟ ميتيه ايله انتفاعى  
حرامدر ؟ بو افعال دن هانكى سنك حرام اولديغى بيلنپه مزر .  
هر حالده حرمتى بعض افعاله قصر ايتك واجب اولور . بو بعض افعال  
متعين دكلدر . چونكه لفظ او معين افعاله دلالت ايتيور . لفظر جوق  
افعاله محتمل بولنديغندن ناشى مجمل اولمش اولور . ابى عبدالله البصرى ايله  
بهشميه ( ابو هاشمك اعجابى ) نك مذهبلرى بودر .

ائمة خفيه دن ابو الحسن الكرخى « كشف مزدوى » ده فريق ثابندن ،  
« تنقيح الفصول » ، « ارشاد الفحول » ، « التقرير والتحجير » ،  
« مسلم الثبوت » ده فريق ثالثدن كوستريليور .

مذاهب ثلثه دن مذهب اول راجحدر . چونكه عرف مقصود  
اولان فعلك حرمتيه ويا تحليلنه دلالت ايدر . اهل لغتك عرفه مطلع  
اولان ، لغت عربده ممارسه سى بولنان بر كيمسه يه : « حرمت عليك  
الفرس ، حرمت عليك الطعام ، حرمت عليك النساء = سكات ،  
طعام ، قادين حرام قنور » ديلمش اوسه آنك ذهننه آتة بنك ،

نص دکدر . چونکه نظم جلیلدرده امهات وسائر محرماتک تحریمی طوغریدن طوغری به کندیلرینه مضاف دکدر . بلکه اعیانه تعلق ایتمشدر .  
حالبوکه نظم جلیلر ایله اعیانک دکل، افعالک حرمتی مقصوددر . لحن خطا بلر، فحوای خطا بلرده نص حکمندهدر .

اصول منفیه کوره نص . — اصولین حنفیه کوره نص سوق اولندیغی معنایه، مقصود اصلی اولان معنایه دلالت ایدن لفظدر . نصک تأویل و تخصیص احتمالی واردر . نص تأویل اولنه بیلیر ، تخصیص اولنه بیلیر . « فانکحوا ما طاب لکم من النساء مثنی وثلاث ورباع » نظم جلیلی تعدد زوجاتک جائز اولسنده نصدر . علی الاطلاق لفظده نص دیندیگی کبی بالخاصه قرآن کریم ، حدیث شریفده نص دینیر .

## فلسفه کلام

### امکان وحی

امکان وحی حقیقه بیان مطالعه ایده بیلیمک ایچون اول امرده وحی تعریف ایتمک ، کله نیک معنای مصدریسنه انتقال ایچون حاصل مصدر صورتیه افاده ایتمدیگی معنای طابیق ایجاب ایدر .

عربلر « وحیت الی فلان » و « اوحیت الی فلان » دیرلر که « دیکرینه احساس ایتمدیگن فلان » بر شی سویله دم . « دیکدر . رساله ، مکتوب معنای ایفاده ایتمدیگی کبی دیکره اعلام ایچون سویله ن سوز معناسنده استعمال اولنور . بالاخره وحی کله سی تغلیب طریقله جناب حقندن انبیای عظامه القا و تلقین ایدیلم شیده استعمال ایلمشدر .

وحیک تعریف شرعیسی : جناب حقیق انبیاسندن برینه بر حکم شرعی وسائر بی بیلدیرمه سیدر . بزه کوره وحیک تعریفی : نفسده بالواسطه و یا بلا واسطه جانب الهیدن تلقین ایلمدیگی یقیناً بینیمک شرطیه تحصیل ایدن عرفاندر . بالواسطه عرفان سامعهده صوت ایله تمثیلدن عبارتدر .

وحی ایله الهام آره سننده کی فرقه کلنجه : الهام ، نفسده تعیین صورتیه تجلی ایتمدیگی ؛ نفس ، طبیعی بر صورتده آنک حکم و تأثیری تحتیده قالدیغی حالده ، زهدن کلدیکنی ادراک ایده مدیکی بر شعور و وجدان قلبیدر . الهام دهها زیاده جوع و عطش ، حزن و سرور ، مثللو تأثرات طبیعییه مشاهددر .

بو نوع عرفانک (وحیک) امکان حصولی ، مصالح بیره متعلق

طعام اکل ایتمک ، قادیندن استمتاع ایتمک حرامدر « مغسالی تبادر ایدر .

الفاظی بو معنارده استعمال ایتمک حقیقت عرفیهدر . مجاز ، مجمل دکدر . تحریم و یا تحلیل عینه مضاف اولورسه آندن مقصود اولان فعلک حرام و یا حلال اولدیغی اکلاشیلیر .

### الفاظک احکامه تعلق ایتمی اعتباریه اقسامی

الفاظ دوت قسمدر : نص ، مجمل ، ظاهر ، محتمل .

نص . — معناسی متعین اولان لفظدر ، نصده لفظ بشقه بر معنایه متحمل اولماز . نصه « مین » ده دیرلر . « ثلثة قروه » نظم جلیلنده کی ( ثلثة ) « اطعام عشرة مسا کین » نظم کریمنده کی ( عشرة ) ، « صیام شهرین متابعین » آیت جلیله سننده کی ( شهرین ) لفظلری نصدر ، میندر .

مجمل . — لفظه معناسی دیکر بر معنایه ترجیحی اولقسزین ایکی و یا دهها زیاده معنالر بیننده متردد اولور . ثلثة قروه نظم جلیلنده کی « قروه » ، « کتب علیکم الصیام » نظم جلیلنده کی « صیام » ، « اقموا الصلاة » نظم جلیلنده کی « صلاة » لفظلری مجملدر .

ظاهر . — لفظ برطاقم معنالر بیننده متردد اولور ، فقط معنایه لردن بری راجح اولور . لفظک بعض محتملاتی دیکرندن دهها ظاهر اولور . امرلر ، عاملر کبی که امرلر وجوده ، عاملر « عام ارید به العموم » ده ظاهردر .

محتمل . — لفظ برطاقم معنالر بیننده متردد اولور ، فقط معنای مرجوح اولور . محتمل ظاهر بولسان محله بولنور . لفظ معنای راجحه نظراً ظاهر ، معنای مرجوحه نظراً محتملدر . امرلر ندیده ، اباحهده ، عاملر « عام ارید به الخصوص » ده محتملدر . بر لفظ معنای حقیقی ده ظاهر ، معنای مجازی ده محتملدر .

نصک امطامی . — نصک تأویله احتمالی یوقدر . نص تأویل اولونماز . نص ایله عمل ایتمک واجب اولور . بو خصوصده اصلاً اختلاف یوقدر . ابوالعالی نصی « ماتأویله تنزیله » جمله سی ایله تعریف ایدیور ؛ نص اولیه بر لفظدر که مجرد لفظی ایتمک ایله لفظدن معنی اکلاشیلیر . لفظک معنایه حمل اولونموی لفظک نزولی ایلهدر ، دیمک ایستیور .

بیوک ابن رشدک شرح مدونهده بیانیه کوره نص اولدیغی حالده مجرد عرف مخاطب ایله معنای مقصودی بیان الفاظده نص حکمندهدر . « حرمت علیکم امهاتکم » حرمت علیکم المیتة » نظم جلیلری کبی که نظم جلیلر امهاتی وطه ایتمه نیک، میتیه یی اکل ایتمه نیک حرام اولسنده